

5. gr.

Bannað er að gefa unglíngum innan 16 ára tóbak eða stuðla að því, að þeir neyti þess eða hafi það með höndum. Sama gildir um aðrar munaðarvörur, sem að dómi lækna geta talizt hættulegar börnum.

6. gr.

Brot gegn ákvæðum reglugerðar þessarar varða sektum skv. lögum nr. 53/1966, um vernd barna og ungmenna, nema þyngri refsing liggi við samkvæmt almennum hegningarlögum.

7. gr.

Reglugerð þessi öðlast þegar gildi.

Menntamálaráðuneytið, 16. júní 1966.

Gylfi Þ. Gíslason.

Knútur Hallsson.

G J A L D S K R Á

fyrir dýralækna.

I. KAFLI

Viðtöl, almennar rannsóknir og aðgerðir.

- A. 1. Hlýtt á eða athuguð sjúkdómslýsing. Ekkert gjald.
2. Viðtal og ráðleggingar í síma. Ekkert gjald.
- B. Skrifaður lyfseðill. Gjald kr. 25.00.
- C. Smærri aðgerðir. Gjald kr. 25.00.
1. Venjuleg skoðun á grip og ráðlegging.
 2. Lyfjum dælt í hold eða júgur.
 3. Einföld skoðun á holti.
 4. Einföld ástunga á útvortis ígerð.
 5. Skoðun á júgri.
 6. Aldursákvörðun á hesti.
 7. Annað tilsvandi.
- D. Minni háttar aðgerðir. Gjald kr. 45.00.
1. Gert að smásári án sauma.
 2. Lyfjum dælt í æð eða kviðarhol.
 3. Skoluð skeið, þarmagangur eða magi.
 4. Tekin flís úr holdi eða aðskotahlutir úr opum líkamans.
 5. Skafin sár og fistlar.
 6. Búið um beinbrot, minni húsdýr.
 7. Sorfnar tennur.
 8. Notkun magaslöngu.
 9. Stungið á kýli.
 10. Einfaldur uppskurður á spena.

11. Stífla losuð úr vélinda.
12. Kýr loftdæld við doða.
13. Lagað skeiðarsig.
14. Tálguð naglstunga eða stig.
15. Brennsla með lyfjum vegna helti o. þ. h.
16. Annað tilsvarendi.

E. Meiri háttar aðgerðir. Gjald kr. 85.00.

1. Gripur lagður með felliböndum og hann svæfður eða deyfður.
2. Spengdur klaufarhófur.
3. Fjarlægð stór útvortis æxli.
4. Skorið til steins eða aðskotahluta í þvagrás eða vélinda.
5. Búið um meiri háttar sár með saumi.
6. Annað tilsvarendi.

F. Miklar aðgerðir. Gjald eftir samkomulagi hverju sinni.

1. Holskurðir.
2. Opnun á kinnarholum og ennisholum stórgripa.
3. Aflímanir.
4. Skorin burt strengur úr hesti.
5. Tannúrdráttur (stórgripir) (trepanationir).
6. Miklir uppskurðir á hóf og klaufum stórgripa.
7. Bruni með glóandi járnri vegna heltis o. þ. h.
8. Annað tilsvarendi.

II. KAFLI

Sérstakar aðgerðir.

A. Geldingar.

1. Geltur hestur 3ja vetra eða yngri. Gjald kr. 125.00.
2. Geltur 4ra vetra eða eldri. Gjald kr. 180.00.
3. Geltur hrútur, naut eða göltur. Gjald kr. 50.00.
4. Geltur hundur. Gjald kr. 90.00.
5. Geltur smágrís. Gjald kr. 25.00.
6. Geltur köttur eða pokagrís. Gjald kr. 45.00.
7. Geltur laungraður hestur. Gjald eftir samkomulagi hverju sinni.

B. Burðarhjálp.

1. Stórgripir, létt. Gjald kr. 85.00.
2. Stórgripir, erfið. Gjald kr. 150.00.
3. Stórgripir, fóstur limað, létt. Gjald kr. 180.00.
4. Stórgripir, fóstur limað, erfið. Gjald kr. 250.00.
5. Keisaraskurður. Gjald samkvæmt samkomulagi hverju sinni.
6. Leg sett inn: Kýr, gylta. Gjald kr. 180.00.
7. Leg sett inn: Kind. Gjald kr. 90.00.
8. Legsnurða, létt. Gjald kr. 120.00.
9. Legsnurða, erfið. Gjald kr. 180.00.
10. Legsnurða, ær. Gjald kr. 60.00.
11. Fæðingarhjálp, ær. Gjald kr. 50.00.
12. Fæðingarhjálp, gylta. Gjald kr. 80.00.
13. Fæðingarhjálp, smærri dýr. Gjald kr. 85.00.
14. Teknar hildir. Gjald kr. 110.00.

C. Aðgerðir gegn ófrjósemi.

1. Aðgerðir framkvæmdar gegnum endaparm. Gjald kr. 40.00.
2. Aðgerðir framkvæmdar gegnum fæðingarveg. Gjald kr. 70.00.
3. Sæðing stórgripa. Gjald kr. 60.00.

Rannsókn á helti með deyfingum og öðrum nauðsynlegum prófum. Gjald kr. 130.

III. KAFLI**Vottorð, sérstök próf, rannsóknir og taka sýnishorna.**

2. Almenn skoðun og heilbrigðisvottorð um grip eða hjörð. Gjald kr. 85.00.
3. Skriflegt vottorð um slys, áverka eða sjúkdóm að undangenginni skoðun og rannsókn, vegna váttryggingar eða réttarhalda. Gjald kr. 300.00.
- B. 1. **Berklapróf** (tuberculin). Fyrir fyrstu þrjá gripina kr. 30.00 fyrir hvern grip, en hálf gjald fyrir hvern grip, sem fram yfir er.
2. **Taka blóðsýnishorna, vegna rannsókna:**
 - a. Stórgripir: Fyrir fyrstu þrjá gripina kr. 20.00 fyrir hvern grip, en hálf gjald fyrir hvern grip, sem fram yfir er.
 - b. Sauðfé: Fyrir fyrstu þrjár kindurnar kr. 15.00 fyrir hvern grip, en hálf gjald fyrir hvern grip, sem fram yfir er.
 - c. Aglutinationspróf á alifuglum kr. 3.00 fyrir hvern fugl.
- 3 **Fangrannsóknir:** Fyrir fyrstu tvo gripina kr. 40.00 fyrir hvorn grip, en hálf gjald fyrir hvern grip, sem fram yfir er.
4. Rannsókn á mjólk, blóði, mænuvökva, greftri, þvagi eða saur (litun, smá-sjárskoðun o. s. frv.). Gjald kr. 75.00.
5. a. Krufning stórgripa. Gjald kr. 150.00.
b. Krufning smærri húsdýra. Gjald kr. 60.00.
6. Skoðun á hrossum á útskipunarhöfn vegna sölu til útlanda eða fyrir skoðun hrossa á mörkuðum kr. 20.00 fyrir hvert hross, enda sé heilbrigðis- og aldursvottorð látið af hendi sé þess óskað. Nú eru hross skoðuð á útflutningshöfn, sem áður hafa verið skoðuð af dýralækni á markaðsstað, og skal þá eigi greitt nema hálf gjald fyrir skoðunina, enda fylgi hrossunum skoðunarvottorð dýralæknis þess, er áður hefur skoðað hrossin.

IV. KAFLI

1. Nú hefur rannsókn eða aðgerð verulegan aukakostnað í för með sér, t. d. fyrir sérstaklega keypt efni, önnur en venjuleg efni til rannsókna, og sótt-hreinsunarlyf og ber þá dýralækni aukagjald fyrir það, þó aldrei meira en lyfjabúðarverð fyrir lyfjavörur, en raunverulegt kostnaðarverð fyrir önnur efni.
2. Nú er einhver aðgerð eða rannsókn eigi á færi héraðsdýralæknis, eða hann getur eigi framkvæmt hana einsamall, og fær því annan dýralækni eða rannsóknarstofnun til að leysa hana af hendi eða veita nauðsynlega aðstoð, og ber þá að greiða héraðsdýralækni kostnað þann, er hann hefur af útvegum aðstoðarinnar.
3. Fyrir endurteknar aðgerðir eða rannsóknir á sama sjúklingi komi hálf gjald.
4. Nú eru tvær eða fleiri skýrt aðgreindar aðgerðir gerðar á sama grip og kemur þá fullt gjald fyrir eina aðgerðina (þá, sem hæst er metin), en hálf gjald fyrir hinar.

5. Nú þykir héraðsdýralækni eða heilbrigðisstjórn vegna smithættu ástæða til þess að rannsaka fleiri gripí á sama heimili eða í nágrenni þess og gera varúðarráðstafanir til að hindra útbreiðslu næmra sjúkdóma. Í slíkum tilvikum skal héraðsdýralæknir taka greiðslu fyrir störf sín af opinberu fé, samkvæmt VI. kafla þessarar gjaldskrár.
6. Þegar héraðsdýralæknir skoðar kýr og fjós fyrir mjólkurbú eða mjólkursamsölu, skal hann sjálfur sjá sér fyrir farkosti og gistingu. Honum ber að gefa viðkomandi mjólkurbúi skýrslu um fjós, þrifnað, fóðrun, hirðingu, júgur, salerni, kæliútbúnað, hirðingu mjólkuriláta o. s. frv., samkvæmt fyrirsögn yfirdýralæknis. Fyrir eftirlit þetta og skýrslugerð ber viðkomandi mjólkurbúi að greiða honum kr. 20.00 fyrir hverja kú, sem hann skoðar.

V. KAFLI

Heilbrigðisskoðun á kjöti og slátri.

1. a. Sauðfé og geitur: Gjald kr. 1.15 fyrir hvern skrokk.
b. Nautgripir, hross og svín: Gjald kr. 18.00 fyrir hvern skrokk.
c. Kálfar: Gjald kr. 9.00 fyrir hvern skrokk.
2. Ef dýralæknir þarf að annast heilbrigðisskoðun á kjöti fjarri heimili sínu, ber sláturhúsi því, er hann annast kjötskoðun fyrir, að sjá honum fyrir fæði og greiðum farkosti eða greiða dýralækninum fyrir farkost, ef hann leggur hann til sjálfur, enn fremur skal sláturhús sjá fyrir hæfilegri aðstoð við merkingu kjötsins, ef þess er óskað.

VI. KAFLI

1. Ef dýralæknir er kvaddur út af heimili sínu, eða af því heimili, sem hann er staddur á, ber honum til viðbótar tilskyldu ráðleggingar- eða aðgerðargjaldi kr. 25.00. Ef um tækifærisvitjun er að ræða, samkvæmt eldri beiðni, skal gjald þetta þó vera kr. 40.00.
2. Fyrir ferð dýralæknis út úr kaupstöðum eða þorpum, sem hann situr í, eða tilsvarendi leið frá heimili hans, ef hann situr í sveit, ber honum tímakaup fyrir þann tíma, sem ferðin og viðvölin í þágu viðkomanda tekur, enda hamli veður eða ófærð eigi, að ferðinni sé haldið áfram.
Gjald fyrir hverja klukkustund:
a. Fyrir fyrstu 6 klukkustundirnar kr. 45.00.
b. Úr því kr. 30.00.
3. Dýralækni ber ókeypis flutningur á ferðum hans, svo greiðum og svo beina leið frá heimili hans, sem unnt er. Ef dýralæknir leggur sér til farkost sjálfur, ber þeim aðila eða aðilum, er hann ferðast fyrir, að endurgreiða honum þann kostnað, er hann hefur af farartækinu.
Á ferðum ber dýralækni að fá ókeypis fæði og gistingu eða greiðslu fyrir það svo og annan útlagðan kostnað, t. d. símakostnað.
4. Þegar dýralæknir ferðast í þágu hins opinbera, ber honum að fá greiddan fæðis- og ferðakostnað, samkvæmt reikningi, sem landbúnaðarráðuneytið samþykkir.

VII. KAFLI

Allar greiðslur samkvæmt framangreindri gjaldskrá greiðast með kaupgjalds-
vísitölu, eins og hún er ákveðin á hverjum tíma.

Gjaldskrá þessi er sett samkvæmt lögum nr. 124 22. desember 1947, um dýralækna, og öðlast gildi þegar í stað. Jafnframt fellur úr gildi eldri gjaldskrá fyrir dýralækna nr. 114 20. september 1948, ásamt auglýsingu um breytingu á þeirri gjaldskrá frá 4. ágúst 1965.

Landbúnaðarráðuneytið, 12. júlí 1966.

Ingólfur Jónsson.

Þorv. K. Þorsteinsson.

AUGLÝSING

um umferð í Reykjavík.

Að fengnum tillögum borgarstjórnar Reykjavíkur hafa verið settar eftirfarandi reglur um umferð samkvæmt heimild í 65. gr. umferðarlaga nr. 26 frá 2. maí 1958:

- I. Biðskylda hefur verið ákveðin á ónefndum vegi, sem liggur framhjá umferðarmiðstöðinni, gagnvart Njarðargötu annars vegar og Flugvallarvegi hins vegar.
- II. Bifreiðastöður hafa verið bannaðar á Lindargötu að norðanverðu á milli Frakkastígs og Vitastígs. Jafnframt hefur verið ákveðið að fella niður áðurgildandi stöðubann að sunnanverðu á Lindargötu frá Frakkastíg að Vitatorgi.
- III. Bifreiðastöðubann á Tjarnargötu að vestanverðu á milli gömlu slökkvistöðvarinnar og Vonarstrætis hefur verið afnumið, þó ekki á um 30 m kafla næst Vonarstræti.

Þetta tilkynnist öllum, sem hlut eiga að máli.

Lögreglustjórinn í Reykjavík, 14. júlí 1966.

Sigurjón Sigurðsson.

AUGLÝSING

varðandi hreindýraveiðar.

Ráðuneytið hefur ákveðið, að hreindýraveiðar skuli eigi fara fram árið 1966 og er því frestað um sinn framkvæmd reglna nr. 263/1960, um hreindýraveiðar í Múla-sýslum. Þó getur ráðuneytið heimilað veiðar nokkurra dýra til áframhaldandi vísindalegra rannsókna á heilbrigði hreindýrastofnsins.

Menntamálaráðuneytið, 18. júlí 1966.

Gylfi Þ. Gíslason.

Birgir Thorlacius.